

حیات

هیاره د اعمار هیاره ... د یار د اها هیر هیات قانلم ...
- نیجه -

اداره مرکزی :

آنقره ده ، استانبول جاده سنده آنقره
معارف امینکی پاشه کی داڅره

استانبول بورسی :

استانبول ده ، باب عالی جاده سنده ۸۷ نومروده
داڅره مخصوصه

نسخه سی هربرده ۱۰ غرور سر .
سته لکی پوسه ایله ه لیرا .
(اجنې ملکتر ایچین ه دولار) .

ابونه واعلان ایشلری ایچین استانبول بورسه
مراجعت ایدیلیر .
یازی ایشلرینک مرجعی آنقره مرئزیدر .

صافی : ۳۵

آنقره ، ۲۸ تموز ، ۱۹۲۷

۲ نجی جلد



لوزان معاهده سی

تورک استقلال حری ، ۲۴ تموز ۱۹۲۳ ده
لوزان معاهده سنک امضالانمسیله قطعی و حقوقی
افاده سنی استحصال ایتشد . لوزان معاهده سنی
موضوع بحث ایدر کن ، اونک ماهیت و معناسنی
ایجه آ کلامق ایچون ، اولو اولارق دوغان سهور
معاهده سنی ده دائمی کوز اوکنده طوتمق ایجاب ایدر .
یالکز عثمانلی ایمپراطور لفتک ده کیل ، تورک ملتک ده
جحت اعدامنی تشکیل ایدن سهور معاهده سی
۱۰ اغستوس ۱۹۲۰ ده امضالانمشدی او تاریخدن
۱۹۲۳ تموزینه قدار تورک ملتک عسکری
و سیاسی جهه ده کوسترمش اولدینی فداکارلق
و موفقیت ، آنجق تورک وصفیله و غارینک دهاسیله
ایضاح ایدیه بیله جک درجه ده علوی و پارلاقدر .
حرب ساحه لرنده تورک لری ذلت و اسارته
اجبار ایدمه مین دوشمان دولتر ، استانبولک
اشغالندن صوکر ا حیل و فساد ایله ، سرایی
و باب عالی بی کندی حسابلرینه چالیشدیرمق
صورتیله مقصدلرینه نائل اولمای قوردیلر و تورک
چووقلرینی بری برلرینه قیردیرارق هدفه
وصولی دها قولای بولدیله . او آجی کونلری
دوشوندکجه بوپلانده کی شیطنتی و تطبیقی خصو
صنده کی موفقیتی دهشته تخطر ایتمک قابل ده کیلدر .
بویوک غارینک و عصمت پاشانک تورک ملتیه
هدیه ایتدکلری لوزان معاهده سنک قیمت و اهمیتنی
ادراک ایچون سهور معاهده سیله بزه احضار ایدیلک
ایسته نیلن عاقبتی و اوندن صوکر لوزان معاهده سنک

توثیق ایتدیکی وضعینی خلاصه مقایسه ایتک لازمدر .
سهور معاهده سی هیئت عمومی سنک افاده ایتدیکی
معنا ، عصری بردولت مفهومنی اساسندن یقیور ،
هر طرفدن پارچالادینی تورک وطننده بیله تورکی
أسیر و ذلیل بر موقعه دوشور و یوردی . بویوک
غازینک ، تعبیری وجهله « تورک وطنک کوز
بکی اولان استانبول » سهور معاهده سی موجبنه
کویا تورک لره بر اقلیوردی . فقط بونک ایچون
احتوا ایتدیکی شرط حیثیت و شرفنی ییلن بر
ملت ایچون قابل قبول اولمایا جق درجه ده آغیردی ،
فی الحقیقه معهود معاهده نک ۳۶ نجی ماده سنک
۲ نجی فقره سی شویله ایدی : « ... مع مافیه حکومت
عثمانیه بو معاهده ایله معاهدات و مقاولات متممه
احکامنه - بالخاصه عرقی ، دینی و لسانی اقلیتلرک
حقوقه - صادقانه بر صورتده رعایت ایتمکده
تجویز قصور ایتدیکی تقدیرده ، دول متفق
آنفالذکر تعهدی تعدیل ایتک حقنی صراحة
محافظه ایدرلر و حکومت عثمانیه ده بوبابده اتحاد
ایدیه جک اولان کافه مقرراته شیمیدین مماشات
ایتمکی تعهد ایلر . » دیمک ، هر هانکی بر روم ، یارمنی ،
خفیف بریایفار ا قوبارنجه و یا خود تورکیه نک قانی
امن لوانتین اجنیلردن بری یوزده ایکوز فائض
آلامایجه استانبولک مقدارتی موضوع بحث
اولاجق و دولت ده وریله جک قرارلر هر حالده
اطاعت ایدم جکدی ! . بوکون بلکه ده تبسم
واستهرا ایله تلقی ایتدیکمز بوماده ، بوندن یدی
سنه اول آجی کوز یا شلریله او قودیمز بر حقیقتدی ،
اوزماندن بری روح و شرف اوقادار بوکسه لمش
ایسه ، اونی بویوک غازی یه و قدرتلی باش و کیلنه مدیوتز .
تورک وطنک حیات و قدرت منبعلرینی
کیرهن اجنې امتیازلری ، سهور معاهده سی
موجبنه یالکز اعاده تأسیس ایدیه یور ، حدود
و شمولی ده توسیع اولنویوردی . .

۲۶۱ نجی ماده بو امتیازلرک ۱۸ اغستوس ۱۹۱۴
تاریخنده بونلردن استفاده ایتمین دول متفقیه ده
تشمیل اولنا جقنی تصریح ایدیوردی . دیمک
ارمنستان تبعه سندن برارمنی ، یونانی بر روم ، حجازلی
بر عرب .. ده « أسیر تورکلر » آراسنده « افندی ،
صفیله دولاشا جقدی . فقط بونا قابل تحیل اضطرابلر ،
ذللر ، قورقور .. برقارا بولوط کی یرتیلوب ،
آ تشنی یاغیرمادن تورک وطنندن اوزا قلاشدی .
آناطولیده دوغان تورک کونشی ، بویوک غازی ،
اونی تورک افکلردن قوغدی و لوزان معاهده سیله
بزه مستقل و سربست بر یورد بخش ایتدی .
بو یورد ، بین الملل حیات ساحه سنده هر هانکی
بر اوروپالینک وطنی قدار حائز شرف و حقوقدر .
لوزان معاهده سنی کلنجه یه قدار تورکیه ،
قوتلی زمانلرنده بیله ، نیم مدنی دوللردن
عد ایدیلیر ، و مساوی معامله کورمزدی . .
بو تقریبی ، دین ، ذهنیت و مدنیت فرقلری ایله
ایضاحه چالیشان حقوق و سیاست عالمری واردی .
تورکیه عصر لرجه ، آوروپا حقوق دولندن
استفاده ایچون چیر پنمشدی . . نهایت قریم
محاربه سنک ختامنی متعاقب انعقاد ایدن ۱۸۵۶
پارس قونفرم سنده تورکیه نک ، متفقلری اولان
انکلتزم و فرانسه نک مظاهرتی ایله ، آوروپا
حقوق عمومی سندن استفاده سی اساسی قبول ایدلمش
ایسه ده بویالکز کاغذ اوزرنده فالمش و فعلیات
ساحه سنده تحقق ایتمه مشدی . . تورکیه آنجق
عزم و قدرتینک بین الملل بروشقیه سی اولان لوزان
معاهده سی ایله مدنی دولت مفهومک کنیدیسی
ایچون ده تطبیقی ضروری اولدینی قبول ایتدیوردی . .
ایشته لوزان معاهده سنک دیباچه سنده بوکا طائد
حکم : « .. و بومناسباتک دولتلرک استقلال و حاکمیت
حرمت اساسنه مستند اولسی و جوبنی ملاحظه ایدرک



آلمان اتحاد ملیستک نظامی

آوستریانک آلمانیا به التحاق مسئلہ سی کون کچد کجہ جانلا غمدہ در، آلمانلرک آنشلوس - Anschluss تعبیر ایتدکلری بو التحاق کیفیت بلکہده یقین بر آئیدہ حقیقت ساحہ سنہ کیرہ جکدر . کرک بوکونکی آلمانیا و کرک آوستریا آلمانلری بو اتحادی یواش یواش حاضر لامقدہ درلر . آوروپا نظام سیاسینک کوچوک برترزلہ اوغرا دینی آندہ ایلک تحقق ایدہ جک حادثہ بو اولہ جق ، و او وقت آلمان اتحاد ملیسی اک بو یوک هدف لرندن برینہ واصل اولق صورتیله ہان کال درجہ سی بولہ جقدر . اوندن صکرہ آلمان سیاسی حدودلری خارجندہ قالان آلمان کتلہ لرینک بیوک آلمانیا طرفندن برر بر رجذب ایدلسی نہایت بر زمان مسئلہ سی اولہ جقدر . آلمانلق بر عصری متجاوز بر زمان اول باشلامش اولان تشکل واتحاد صفحہ سی ہنوز اکال اتمہ مشدر . ۱۸۱۵ ویاہ قونفرہ سندن صکرہ آوستریا ایلہ بروسیا آرہ سندنہ کی سیاسی رقابت آلمان اتحاد ملیسی اولدقہ تصعب اتمشدی . آلمانلقی تمثیل ایدن ہوا یکی بیوک دولندن ہر بری اتحاد کندی ریاستی آلتندہ و کندی لہنہ اولسنہ چالیسبور ، ویکدیگریک ملی اتحاد معطوف حرکتلری تصعب اتمکہ اوغراشیوردی . نہایت وجدان حریت و سربستیسنہ طرفدار اولانلرک بوکونکی مدنی انسانککنہ یک یاقین اولان حالت روحیہ لری بیلیر ، بوکون کوزلک یاراتمہ ہوسلی اولان ہر صنعتکار دہ اجداددن قالان صنملری اسکی قالبلری قیرمغہ ، اولنرک برینہ کندی دستورلری اقامہ ایلہ مکہ چالیسایورمی ؟

خلاصہ ، بوکونکی روحی غایللریمزہ نظر آدینک ہر صفحہ سی دکلمہ بیلہ ، بعضی صفحہ لری صنعتکارلر ایچون موضوع تشکیل ایدہ بیلہ جک بر اہمیتی حالا محافظہ اتمکدہ درلر . چونکہ اولنردہ بزی صوک درجہ دہ متحس ایدن صفحہ لری ، مجادلہ لری جہدلری ، ثبات ، جرأت ، استقبالدن امید کی حالات روحیہ بی مشاہدہ ایلکہدہ یز . آلمان فیلسوفی ہرغل تراژہ دی بی تعریف ایدہ رکن « تراژہ دی خیرک شرہ قارشى مجادلہ سندن دکل ، خیرک خیرہ قارشى مجادلہ سندن جیقار » دیمشد . بو مجادلہ بی بڑہ کوسترن داٹا دیندر چونکہ دین ماضی بہ ارتباط اولدینی قدر استقبالہ امیدہ آتیلقدہ . بناء علیہ دہ موقراسی بہ ، حریت ، علم کی عمدہ لرہ صاریلار قی آتی بہ اطمینان ایلہ باقان بوکونکی عصری آدمادہ بر معنایہ دینداردر . ماضیدہ کی دین حیاتی بڑہ تصویر ایدن صنعتکار عینی زماندہ بویکی دیندارلغہ دہ توجہ می جلب ایدہ بیلیر . الوبررکہ قرآندہ کی عصیان آکلاسون .

محمد عزت

کونی بو یوک جامعلردن برینہ کیریگز ، کوردہ جکسکرکہ بوتون بر خلق

ایتمکدہ رعشانہ رعشانہ عبادت .

فقط بونی تصویر ایلہ مک ایستہ رسہ کز ، سز ، عصری صنعتکار « صباح اذاندہ » قیراطندہ روحسز بر شر اورتابہ قویاجسکر ، سبی ؟ . . چونکہ آکلامدینی بر لساندن سوزلر سویلہ یز ، بوسایہ دہ دیگر دنیا دہ آتندہ یا غمدن قورتولدیغنی ظن یدن ، معبودینک خوشنہ کیتک ایچون وجودینہ ہرکک عینی دقیقہ دہ عینی انخسار ، اللہینہ ، قوللرینہ عینی حرکتلر و برمہ سی لازم کلدیگنہ قانع اولان او خلقک روحی سزہ تمامیلہ بابانجی قالیر . سز ، عصری دوشونن آدم ، اولنک حالت روحیہ سی جہالت ایلہ بر طوغتہ میالسکر .

دہاسی وار : بو خلقک فکر لرندن اولدینی قدر حلرندن دہ اوزاقسکر . دیندار ، انقیاد ، رضا ، تسلیمیت ، توکل کوستر . حتی آکلامدینی لساندن دعا او قوماسی دہ باشقہ برسیدن دکلدہر . خارجدن کندینہ وضع ایدلش قانون اوکندہ اکیلکدن باشقا بر چارہ اولادیغنی ظن ایدہر . بوکونکی مدنی آدم ایہہ روحاً عصیان ایچندہ در ، کندی طالغنی کندیسى انشا اتمک ، استقبالدہ کی سعادت سی اسرار انکیر بر معبودہ ہر کون بر قاج دفعہ باقاراق دکل ، بلکہ کندی کوچیلہ تأمین ایلہ مک ایستہر . بوندن باشقا تجمدہ ، انقلابہ صوصامشدہر ، اسکی قالبیلر کندیسى صیقار . بوکا مقابل مؤمن ، عنعنہ بہ باغلیدر ، اسکیدن بری مقدس عدایدیلن اصوللرہ ، کلہ لرہ دو قونغمہ جسارت ایدہر ، کور کورینہ اسکی بوللردن سوروکلہنیر ، کیدہر .

بوعتراضک قوتی حس ایتمہ یور دکلم . معافیہ دینی حیاتک سادہ بو تصویر ایچندہ توکہ تیلش اولدیغنہ قانع دکلم . شبہ سز ، ہر دین ، بر کرہ تأسس ایلہ دکلن صوکرہ مؤمنلردن مطلق بر انقیاد ایستہر ، توکل اولنک نظرندہ اک بو یوک فضیلندر . بزور کلر ، اون اوچ عصر دینبر تأسس ایتش اولان اسلامی بالخاصہ بو صفحہ دن کورورسہ ک بو حال یک طبعیدر . لکن تأسس ایتش اولان دینک یاندہ ، دہا دوعروسى اوندن اول بردہ تأسس اتمک اوزرہ اولان ، مجادلہ لر ، قاتلر ، انقلابلر ایچندہ اساسلری قورولان دین واردر . ایستہر بودانک حکمتی ، عیسانک شفقتی اولسون ، ایستہر دہ دیگر ہرہانکی بو یوک بر دین اولسون ، محقق بو صفحہ دن کچمشدر ، باشلانجندہ یکیلکہ صوصامش ، انقلاب یایمغہ آمادہ ، روحلری عصیان ایلہ دولو طرفدارلرہ مالک بولونمشدر . « پی » دین دینداردن اول واسکی اولان دین جہرہ « خایر اولاماز ! » دیر . لوتہرک مؤسس دینہ و کلیسیاہ قارشى عصیانى صنعتکارلری نہ قدر قوتلہ الہام ایلہ مشدر ؟ قرآندہ دہ عصیان روحنی طاشیان ، اسکی حیات و شرائط اجتماعیہ بہ استخفاف ایلہ باقان آیتلر واردر . بالخاصہ مکدہ « نازل » اولان آیتلر بوقیلہندر . اولنرک ہر برندہ اسکی عنعنہ لر پشندہ سوروکلہن ماضینک زنجیرینی طاشیمقدہ اصرار ایدن بوتون بر ہیئت اجتماعیہ قارشى کانلرک ، انقلاب ایستہیلرک

سویلسنہ بیلہ ہر شیدن اول بولو کہ محتاج اولدیغیزی تکرارہ لزوم وارمی ؟ مرحوم ضیا کوک آلپ واولنک آرقاسندن استانبول دارالفنونندہ منطق مدرسہ خلیل نعمۃ اللہ یک بومی غزتہ لر دہ موقوف مجموعہ لر دہ بر سورو مقالہ لرلہ بڑہ شوحیقتی بیلدیر دیلر : ہرملنک اوریزینال بر حرثی ، بناء علیہ بدینی شاہ اثرلری اولمایدہر . بڑہ دہ روسلرکی کی بر ممتاز ادبیات ، آلمانلرکی قدر درین بر موسیقی ، ایتالیا لرکی قدر بارلاق بر معماری و رساملق ، انگلیزلرکی قدر فلسفی بر تماشا لازم . لکن ، غزالینک دیدیکی کی :

فالعلم شی'ر دہورد المعلوم شی' آخر

بوا کیسکیزی بیلورزدہ بردرلو تاماملایامایورزا ! بن یوک سبیلرندن برینی کوزل صنعتلرہ مشغول اولانلرک تاریخہ ، - و تاریخدہ ، ماضیدہ کچمش اولان ہان بوکون وقعہ لرک بر دینی رنگی اولدیغندن - بناء علیہ دینہ قارشى علاقہ کوسترمہ ملرندہ بونویورم . دینہ علاقہ دن مقصدہ ، مطلقا دیندار اولق دکلدہر . حتی ، دینہ بیلیرکہ ، دین حیاتندہ کی کوزلکلری سربستجہ قاورایابیلیمک ایچون بر درجہ بہ قدر دیندن - اعتقاد اعتباریلہ - مستقل اولق لازمدر . سنانک یابدینی بر جامعہ نماز قیلمغہ کیدن ، بر اولوسی ایچون « مولد » اوقوتان کیسہ لر دہ بدینی تحسین حد اصغری بہ ایتر . صنعت اثرینی یاراتان و تماشا ایدندن ایستہیلن شی قویو مؤمن اولق دکل ، بلکہ سادہ جہ دینی موضوعلرہ علاقہ دار اولقدہر ، دینی موضوعلرک اوتہ دینبر بو یوک صنعتکارلری جذب ایتش اولمسی سبب سز دکلدہر . اولنر معشریدر ، بر فردہ دکل بوتون بر جماعتہ خاصدر . بوندن دولای صنعتکارک آرنندہ تحقق ایتدیر مکہ چالیس دینبر دینی نظام و آہنکک نوہ سی سینہ لرندہ طاشیلر . صنعت اثرینک حائر اولمسی لازم کلن ترکیبی وحدت دہ اولنردہ قولایلقلہ کوزہ چارپار . نہایت یوکسک صنعتکارہ خاص اولان حالت روحیہ « فردی منفعلر دہ ، علاقہ لر دن اوزاق اولق ، شخصیتندن تجرد ایدہرک زمان و مکان فوقہ یوکسکک خلاصہ صانکہ بر جذبہ ایچندہ موضوعیلہ قاینشارق نفسندن فراغت ایلہ مش کوزوکک . . . اک زیادہ دینی موضوعلر دہ سربستجہ تجلی ایدہ بیلیر . فی الواقع بوکونکی حیاتک موضوعلری اوزرندہ چالیشان ہرہانکی بر صنعتکارک منحصرأ کوزلکی آراشدیر اراق سیاسی غایللرینی اظہار اتمہ سی امکانش کیدر : ماقسم غورکی ، بر نار شاو سوسیالیستدرلر ، پول بورژہ صنعتکارلغی کوچولتور ، آریستوقراتلری و بورژوالری مدافعہ بہ قالقیشیر . حالبوکہ دین ، ہر کونکی حیاتدہ کی نفوذی آزالدیکہ ، مادی منافعمرلہ ہر درلو ارتباطی کسش بولونویور . دینی تکاملک صوک مرحلہ سی « بدینی دینلر » دن عبارت اولدیغنی ضیا کوک آلپ ادعا اتمہ مشمی ایدی ؟

سرد ایدہ جک بو یوک بر اعتراض وار : دینک بوکونکی حیاتمزہ بابانجیلاشماسی ، نتیجہ اعتباریلہ صنعتکارک ذہننہ قلبنہ بابانجی اولمسی دکلیدر ؟ صنعتکار آکلامادینی و دینمادینی بر موضوعی ماضیل تصویر ایدہ بیلیر ؟ بر جمہ کونی ، یا خود رمضان

پروسیا بو رقابت وجدالند ۱۸۶۶ء صادوا مظفرتی اوزربنه غالب جیقدی . و ۱۸۷۱ء ده آلمان ایمپراطورلغنی تأسیس و اعلان ایتدی . بونکه برابر آلمان ملی اتحادی هنوز تام دکلدی ، آوستریا-مجارستان ایمپراطورلغك حدودی داخلنده ملیونلرجه آلمان واردی ، حتی بونلر ایمپراطورلغك مقدراتنه حاکم اولتی اعتباریله وسطی آوروپاده فعال سیاسی بررول اوینامقده بردوام ایدیلیر . پروسیانك هکمهونیاسی آلتنده برلشن آلمانیا ، فرانسه و روسیه کی خارجی آلمان دوشمانلری مواجهه سنده آوستریا ایله خوش کچمکی و بین الملل حیاتده اونك اتفاق و معاونتی تأمین ایتکی آلمانلق منافعه موافق بولشدی . و بونک ایچون ملی اتحاددن زیاده آلمانلغك سیاسی ، اقتصادی انکشافی سیاستك باشلیجه غایه سی اوله رق تثبیت ایتشدی . ایسته حرب عمومی بدایتنه قدر وضعیت بو صورتله دوام ایتدی .

..

حرب عمومی ، دیگر بر قاج متفق ایله برابر آلمانیا آوستریا-مجارستان ایله باش باشه براقشدی . آلمانلق بتون اقتصادی و سیاسی قدرتی بویکی دولتك اتحاد و تشریك مساعیستدن انتظار ایدیوردی . اوزمان ایچون ملی بر اتحاد موضوع بحث اوله مازدی . چونکه آوستریا-مجارستان دولتی ، مجارلر ، چکله ، خرواتلر ، رومنلر ... کی عددجه آلمانلردن جوق دیگر عناصری احتوا ایتکده ایدی . آرزو ایدیلن شی اقتصادی و سیاسی روابط ایله هامبورغدن ترسته به حتی سلانیک و استانبوله قدر امتداد ایده بیله جک بروسطی آوروپا- Mitteleuropa وجوده کتیرمکدی . آلمان و آوستریا رجال سیاسی و اقتصادی سی بونك ایچون جوق اوغراشدیلر . فقط حربك ، مرکزی دولتلرک مغلوبیتی ایله نتیجه نشی بتون بو پروژه لری آلت اوست ایتدی .

و ره سای معاهده سی ، مرکزی آوروپانك بونکونکی سیاسی نظامنی تأسیس ایتك صورتیه آلمانلغه اك بیوك ضربه یی ایندیردیکنه قانع ایدی . فقط ، زمان کوستریبورکه ، و ره سای معاهده سنك مغروردیپلوماتلری استقبالی و ملتلك حق و قوتی ایجه تقدیر ایده مه مک اعتباریله جوق آلدانلردن . آلمانلق مادی ضرر لرینه رغماً حربدن معناً دها قوتلی اوله رق جیتشمش و آلمان اتحاد ملیسی حرب عمومینک عقبنده و اعمار قانون اساسیسی ایله عادتاً تکامل صفحه لرندن برینی دها مظفرتیه قطع ایتشدن . بزبوراده و اءار قانون اساسیسنك آلمان اتحادی نقطه نظرندن بیوك برترقی و تکامل مرحله سی تشکیل ایدن مقرراتی صایه جق دکلز . آنجق شونی در خاطر ایده لم که ، دها بوقانون اساسی مذاکره و مناقشه ایدیلیرکن ، آوستریا-مجارستان ایمپراطورلغك انقاضندن یا لکز آلمانلردن متشکل اوله رق ، عادتاً صیتی بر صورتده وجوده کتیریلن آوستریانك آلمانیا به التحاق موضوع بحث اولمش حتی بر ماده حالنده بوالتحاق تصویب و تقرر ایدلشدی . آنجق التحاق-تضمن ایدن بو آلتمش برنجی ماده ، و ره سای معاهده سنك آوستریانك استقلالنی و بو استقلالک

غیر قابل ترك و فراغ اولدیغنی تثبیت ایدن ۸۰ نجی ماده سیله غیر قابل تألیف کورولدیکندن ائتلاف دولتلرنک تثبیتاتی نتیجه سنده آلمانیا ۲۲ ایلول ۱۹۱۹ء ده مذکور ماده نك مفسوخیتنی طایفه مجبور اولدی . شو قدر که حقوقی ساحه ده حس ایدیلن بو رجعت ضرورتی ، حقیقت و شأیت ساحه سنده محسوس دکلدی . چونکه حیات و شأیت آوستریایی کون کچدکجه آلمانیا به یاقلاشدیرمقده و التحاق یقین بر آتیده بر امر واقع حالته کلکسی قولایلاشدیرمقده دوام ایدیوردی .

..

آوستریانك آلمانیا به التحاقنی احضار ایدن عامللرک اك مهملری ملی و اقتصادی ماهیتده اولانلردن . بونکونکی آوستریا آلماندر . بناء علیه حرب عمومیدن صوکره آوروپا خریطه سنك تنظیمنده اك بیوك سائق اولدیغنی ادعا ایدیلن ملیت نظریه سی آلمان دعواسی لهنده در . بوندن باشقه ملتلك کندی کندیلرینه اداره عمده سی ده آوستریانك حیات سیاسی سی ایسته دیکی کی تنظیم ایتك ارزوستی تسهیل ایتسی لازم کلیر . صرف غالبلمنفعته تأسیس ایدلش اولان بر موازنه نی ، ملتلك حقوق اصلیه سی الی الابد اخلاص ایده جک صورتده دوام ایتدیرمک نه نظریات اعتباریله ، نه ده حیاتك ضرورتلرنک بیوك بر رول اوینادیغنی شأیت نقطه نظرندن ممکن دکلدن .

ملیت حسنك آلمان وجداننده اویناندیرمیش اولدیغنی اتحاد شعورینی ، دیگر طرفدن اقتصادی و سیاسی سائقلرده تشدید و تقویه ایتکده در . آوستریانك حیات اقتصادی سی ، ایمپراطورلق زماننك اراضیسنه ، احتیاجانه کوره انکشاف ایتشدی . او وقت معمولات صناعیه سنه قولایلقه مخرج بولیور ، و کندیسنه لازم اولان محصولات غذائی بی ده ایمپراطورلغك اقسام سائره سندن تدارک ایده بیلوردی . شیمدی باشلی باشنه قالنجه و ایمپراطورلغك انقاضندن تشکل ایدن قومشودولتر کومروک سدلریله قارشیسنه چیقنجه مملکتنده ازاله سی مشکل بیوك بر بحران اقتصادی حصوله کلدی . جمعیت اقوام موقت و صنی تدبیرلر ایله بوجرانك بر درجه به قدر اوکنه کچه بیلدی ایسه ده بسبتون ازاله به موفق اوله مدی . التحاق علیهدارلری آوستریانك طونه دولتری ایله اقتصادی ائتلاف عقد ایتك صورتیه مشکلاتدن قورتولایله جکی فکرنی سرد ایدیورلر ، فقط بواحتال ضعیفدر . هر بری باشلی باشنه بروحدت اقتصادی تشکیل ایتك ایسته ین طونه دولتلرنک آوستریا صنایعنك اقتصادیاتنك انکشافنه خادم تدبیرله موافقت ایله جکلری جوق شبه لیدر . بونقطة نظرندن ضرورت اقتصادی ده آلمانلق شعوری قدر التحاق مسئله سنده مهم بررول اوینامقده در .


..

اولا آلمان وجدان عامه سنده بر ضرورت حقوقیه کی تلقی ایدیلن اتحاد مسئله سی یواش یواش کرک آلمانیا و کرک آوستریانك مسئول رجال سیاسی طرفندن ده مدافعه و تعقیب ایدلکه باشلانمدر . آوستریا دولت آداملری التحاق پره نسپ اعتباریله قبول ایتکله برابر طرز تطبیق حقنده ، منسوب اولدقلری سیاسی فرقه لرك عمده لرینه کوره ، مختلف

فکرلر درمیان ایدیورلر . مثلاً آوستریانك اك قوتلی فرقه لرندن بری اولان سوسیال ده موقرات فرقه سنك لیده ری ، موسیو باوئر - Bauer التحاق آنجق فرانسز بورژووا سنك و ایتالیان فاشیزمنك سقوطی و یا خود اوروپاده یکی بر اختلال تولید ایده جک بر آوروپا حربنك وقوعی ایله ممکن اوله جقنی آوستریانك برلشه جکی آلمانیا نك هندنبورغ آلمانیا سی اوله میه جقنی سوبلیور . بو ، التحاق مسئله سنده اختلالکار بر نقطه نظردر . بونکا مقابل آوستریا ملی آلمان فرقه سی رئیس موسیوشنرف Schnerff آوستریانك وضعیت حاضره سنی « موقت برنظام » اوله رق قبول ایتکده و فرقه سنك بونظامی آوستریانک بعض بارجه لرك آیرلامسی ایچون مدافعه ایتدیکنی سوبلکده در . موسیو الیهک فکرنجه آوستریا ایلك فرصته آلمانیا به التحاق ایده جکندن بونی شیمدیدن حاضر لاق لازمدر . بده آوستریا بورژووا زیننك نقطه نظرینی خلاصه ایدیور . خریستیان - سوسیالیست فرقه سی پروسیا آلمانیا سنه التحاقدن زیاده جنوبی آلمانیا ایله رهن حوالیسنده بر نفوذ و شخصیت و بره جک اولان بر نوعه ده راتیف آلمانیا به التحاق ترجیح ایتکده در . بونقطة نظرلر آره سنده کی اختلافلر کوریلور که اساس مسئله دن زیاده التحاق ایله تشکل ایده جک اولان بیوك آلمانیا نك طرز اداره سنه عائددر . بر طرفدن بوناقشه لر دوام ایدرکن ، دیگر طرفدن التحاق تسهیل و احضار ایده جک تدبیرلر آلتقمده دوام ایدلکده در : سیسته ماتیک بر صورتده آلمانیا و آوستریانك قانونلری و اداره اصوللری توحید ایدیلور . آوستریاده کی آلمانلر و آلمانیا ده کی آوستریالیر وطنداش معامله سی کوریلورلر . سیاحت و اقامت حقنده هر تورلو تقييدات قالدیریلور ، ... دها بوقیلدن بر جوق تدبیرلر ، و ره سای معاهده سنك معهود ۸۰ نجی ماده سنه رغماً آوستریایی هر کون آلمانیا به بر بارجه دها یاقلاشدیرمقده در . بو ، اتحادك اك حارطه دارلردن اولان رایخشتاغ رئیس موسیو « لوبه » نك توصیه ایتدیکی بر پروگرامدر . غایه سی : « بر آلمان ملتی ، بر آلمان دولتی ، سربست بر آلمان وطنی » فورمولنك تحق در .

هر حالده و ره سای و تریانون معاهده لرینك دوغوردینی آوستریا ، قابلیت حیاتیه سی اولیان بر غلط طبیعتدر . بوتشکلک نه قدر صنی و موقت اولدیغنی اوراده زمان زمان ظهور ایدن سیاسی و اقتصادی بحرانلردن آکلاشلمقده در . صوک زمانلرده و یانه ده حادث اولان اختلال حرکتلری ، خسته بر وجودك اختلاجلرینه بکزه ر ، اختلالک هدفی ، غایه سی نه اولورسه اولسون ایلك معناسی شودر که آوستریا بونکونکی نظام سیاسیدن ممنون دکلدن . ملتلك اك اصلی حقلری ایله تعارض ایدن سیاسی زنجیرلر الی الابد عینی مقاومتی محافظه ایده میه جکلرندن بونظامك یقین بر آتیده دکیشیه جکنی کیسه ادعا ایده من . آوستریا و آلمانیا نقطه نظرندن التحاق مسئله سی چوقدن حل ایدلشدن .

شیمدی اصل شو سؤال قارشیسنده یز : التحاق ، بین الملل حیات ساحه سنده نه زمان بر امر واقع ، بر امر مصدق اوله جقدر ؟ مسئله نك دیگر ملتلی علاقه دار ایدن اك مهم صفه سی بونقطة ده



«قرب» ه کوره تربیه علمی

— ۲ —

تربیه ده برلك

دره سدن : ۹ تموز ۲۹۲۷

معاشرت حیانتك حلول و مداخله سیله « اجتماعی تیپ » ك ناصل تشكیل ابتدیكنی ایضاح ایتدك . قریك ده بو « حلول و مداخله » بی تربیه مفهومیته ادخال ایتدیكنی بیلورز . فاقاط بوتی تشكیل ایتدیره ، فرد ه كندیسه كوره معنوی محتوال ویره معاشرت حیاتی ، باشند باشه بر « برلك » میدره ؟ بز ، ایستهرسه چوق ابتدائی بر صفحه ده بولوسون ، بر جمعیه ، بر معاشرت زمره سنه كوز كوز دیردیكمز وقت كوزمه هرشیدن اول حیات تشكیلاتی چاربار . بو ، بزده بر برلك تأثیری براقیر . معین تلفیلر ، قیمتلر اطرافنده طولانمش ، وظیفه و صلاحیتلری قدرت مقیاسلری ایله تثبیت اولونمش فردلر كورورز . بو حیات صفحه سنی داها ده دریله شدیردیكمز وقت منظره اساسی صورتده ده كیشیر . برلك ؛ كنیش بر انحلال شكنده تجلی ایدره . هله بو **اقتصاد** ؛ بوكك بر صنایع حیاتی یاشایان جمعیتلر ده صوك افاده سنی آلمشدر . چوق ضد منفعتلرله بری برینك قارشیدنده دوران تشكیلات ؛ برر جدال جبهه سی ماهیتنده در . هر تشكیلاتك كندیسه كوره بر حیات تاقیسی ، حقیقت اولاسنه چالیشدنی هدفلری واردر . بوكیش انحلال اورتاسنده تیپ شكلكه ، تربیه برلكنه امکان وارمیدر ؟

معین برغایه نك حقیقت اولاسنه چالیشان تربیه ؛ هیچ شبهه سز ماهیت اعتباریله پلان داخلنده بر تربیه در . روصویه كوره تربیه نك معین برغایه سی واردر : برلك ؛ په داغوزی ده بویه بر « برلك فکری » نه استناد ایدییور . فرد ؛ معنوی تضادلر كه ده برن اضطرانی دویویور ، وارلنی عادتاً مختلف ضد قیمتلردن اكله نمش

مندمجدر . هیچ شبهه سز آوستریانك آلمانیا ایله برلشمی و بوسورتله اوروپانك وسطنده یمش ملیونلق چالیشان و متفنن ، یكوجود برملتك تشكلی بوكونکی اوروپا سیاسی نظامنی آلت اوست ایده جك بر حادثه عظیمه تشكیل ایدر . الیوم دنیا نك بوكونکی سیاسی نظامندن ممنون ویا غیر ممنون اولان بر چوق ملترك موجودیتنه باقیلیر ایسه التحاق مسئله نك نناجی پك مهم اوله جق یكی بر طاقم سیاسی قومینه زونلره یول آجه جنی طبیعی كورولور .

زکی مسعود

بر شیر . فرد ؛ كندیسی تأسیس ایدن محتوال آراسته کی بوشقلری كورویور . حالوكه : بوتضادلری قالدیرارق معنوی بر « برلك » حصوله كشیرمك ، انسانه تضاد سز بر آهنگ شكلی و برمك ؛ اونو اك اساسی معنوی بحراندن قورتارمق دیمكدر . په داغوزی ؛ بویه بر برلك ایستیرور . فاقاط بو ادعا ؛ شائیلكر آراسته کی كنیش تخالفلر قارشیدنده قدرتی قایب ایتك مجبوریتنده در . چونكه : شائیلكردن اوزاق ایده آلر ؛ حیات قدرتی آرینه ، محو ایده ر و یالردر . تربیه ؛ جمعیت حیانتك ضروری بر فعالیتی اولق اعتباریله یالكر شائیلكره استناد ایده بیلیر . معاشرت ؛ حقیقه ؛ بوتون فردی حیاتی قوجا فلایان بر برلك دن باشقا برشی دكیسه ، اوندن دوغان تربیه نك ده برلك شكنده تجلی ایتیه سی ایجاب ایدره . حالوكه : بز ، معاشرت حیانتك چوق بویوك تخالفلر كوسته ردیكنی بیلورز . بو وضعیت قارشیدنده تربیه مفهومك تحلیلی ده اهمیتلی صورتده كوجله شیر .

جمعیتك بنیه سی ؛ مختلف اجتماعی تعضولردن ، مختلف طبقه لردن عبارتدر . تعضولر ؛ آرا لرنده کی محدود ارتباطلر مستثنا اولق شرطیله بر برینه قارشی **متضاد** بر وضعیتده در . بوكون ایسپارطا دولتی کی یكپاره بر اجتماعی منظره كوسته رهن بر دولت یوقدر . فاقاط بوكارغما ایسپارطانك ده اجتماعی برلكی « خارجی » ایدی . حر ایسپارطالیر قارشیدنده مه قله ، هه لوتلر واردر . ایسپارطا ؛ كولتور و دین معاشرتی اعتباریله حدودلری خارجنده بولونان بر معاشرته ، اُسکی یونان معاشرته منسوبدی . قریق ؛ معاصر آلمانیا یی بویك **مضاعف** بر معاشرت **هیانه** مثال اولق اوزره كوسته ریورز : بوتون آلمانلق ؛ بر خلق معاشرندن باشقا برشی دكیلدر . فاقاط آلمانلغك مختلف معاشرت تشكلیلری واردر . قانوليك آلمانلر ؛ آلمانیا حدودی خارجنده بولونان بر دین معاشرته منسوبدر .

بوده كوسته ریوركه : هر فرد ؛ عینی زمانده مختلف اجتماعی تشكلكله منسوب اولابیلیر . عصری بر فردی تدقیق ایدلم : « او ؛ عائله عضوی ، شهر ساكنی ، وطنداشی ، بر معبد منسوبی ، اقتصادی برزمره نك ، بر فرقه نك ، بر جمعیتك عضویدر . » بو فرد ؛ حیاتی مختلف هدفله ، مختلف غایله له **یارمالیور** . فردك منسوب اولدینی زمره لر ؛ اجتماعی حیانتك جزؤلریدر . دیمك اولیوركه : فردی حیات ؛

برنوع هیانیر . اساساً بوتنوع ؛ معاشرت حیانتده موجوددر . عائله ؛ تربیه نك باشلادینی بردر ، چوجوق بر مکتبه کیره کیره کیره عمومی تربیه باشلار . مکتب ؛ بوكونکی معناسیله دولت مؤسسه سیدر . مکتبك خصوصی اولاسی ؛ بوماهیتی دكیشدیرمه ز . تدریسات بنه دولتق قونترول آلتنده در ، یعنی مکتب ؛ دولت و جمعیت غایله لردن آیریلماق مجبوریتنده در . نام معناسیله دینی مکتبلریله بوقونترولك خارجنده قالاماز . دولت ؛ دینی تدریساتك كندی غایله له تضاد حالنده بولوناماسنه بویوك بر اهمیت ویربر .

علمك استقلالنی ، مناقشه و فكر حریتی ، وجدان سربستیسنی قبول ایدهن موده رن دولت ؛ تربیه مؤسسه لرینی نه دن كندی باشنه براقیور ؟ چونكه : كندیسه كوره وطنداش یتیشدیره مه بن معین بر وطنداش تیپنه استناد ایتیه دن دولت ؛ جمعیتله بوتون ارتباطلرنی قایب ایتش صایلابیلیر ، بویه بر دولتك ده طاللی معیندر : یقیلق .

فردك معاشرت حیانتله اولان متنوع ارتباطلرنی مشاهده ایتدكدن صوكرا تعقیب ایدیه جك تربیه یولنی تثبیت ایتك امکانی واردر . هر معاشرت حیاتی ، بنیه سنه كوره ، فردی بوتنوع ارتباطلر چرچویه سی داخلنده متأثر ایدره . فرد ه بوتنوع ارتباطلره عائد مقیاسلرله « حلول و مداخله » ایدره . بز بوكا بوقاریده **معاشرت هیانك طبیعی تربیه سی** آدینی ویرمشدك .

بیلورزكه بو تربیه نك باشلادینی بر ؛ عائله در . فاقاط عائله مستقل بر تشكیل میدره ؟ مختلف جمعیتلر ده عائله نك تاریخی انكشافنی تدقیق ایتدیكمز وقت معین بر جمعیتده بیله عائله نك نه قدار بویوك انقلابلر كچیردیكنه شاهد اولورز . حتی عینی زمانده بر جمعیت ایچنده بیله مختلف عائله تیپلری واردر . عائله نك اوزون اوزادی به بر تحلیلی ، موضوعی علاقه دار ایتدیه کی ایچین بوراده یالكر بر قایق مثالله اکتفا ایدیه جكدر . اُسکی یونان جاهلیه نك عائله سیله خرستیان یونانلغك عائله سی بری برندن نه قدار فرقلیدر . چوجوق و معاشرت تربیه سی بوتنوع حیات تشكلیله كوره نه قدار ده كیشمشدر . اُسکی جهرمه ن كویلو سیله بوكون فابریقاده چالیشان آلمان ایشچیسك عائله حیاتی بر برینه بکزه رمی ؛ عائله بی دكیشدیره ن ، اوکا شكل ویره ن ، دوغروندن دوغرویه معاشرت حیانتدر . كورولیوركه : عائله تربیه سی ده اساس اعتباریله معاشرت تربیه سی ده مكددر . معاشرت حیانتك ده كیشمه سی یالكر عائله حیانتك ده كیشمه سی ده كیل عینی زمانده تربیه نك ده دكیشمه سی دیمكدر . معنوی انكشافنه باشلایان چوجوق ایچین عائله ؛ « كوچوك بردونیا » در . حیات و جمعیت تلفیقنك ایلك اساسنی اوراده بولور . ایلك شعوری اوراده تشكیل ایدره . ده برین بر شفقت و محبت ایچنده كچن بوكشف حس حیاتی ؛ عینی زمانده بر عرفان حیانتدر . بوراده آنا دینی ، بو دبك احتوا ایتدیکی قیمتلری ، دوشونوش طرز لرینی ، سزکی استقامت لرینی اوكره نیر . عائله نك مختلف اجتماعی تشكلكلر (دولت ، معبد ، صنف ، مسلك برلكلری الخ ..) له ده برین ارتباطلری اولدوغی ایچین چوجوق تربیه سی ده متنوع بر شكلكه جریان ایدره . عائله نك معنوی ملكیتلری (اجتماعی و دینی قیمتلر ، خلق توركولری ، عادتلر ، الخ ..) ، چوجو غك ده معنوی ملكیتلری صیراسنه کیره ر . دولت ؛ عائله شكلی ، عائله مناسبتلرنی قانونلری ایله تعیین و تثبیت ایتدیکی ایچین چوجوق ده ایلك « حق شعوری » بوسورتله انكشافه باشلامش اولور . چوجوق ؛ بر چوق عائله لری ایچنه آلان معاشرت حیاته کیرجه یكی بر تربیه حیانتله قارشیشمش اولور . اوراده عینی دبی ایشیدیر ، عینی قیمتلرك حاكم